



- A inscrición realizarase do 13 ao 26 de maio e deberá presentarse no Rexistro Xeral do Concello de Gondomar

A Concellaría de Igualdade, a través do Centro de Información á Muller, pon en marcha, por terceiro ano consecutivo, o campamento Gondoverán debido á grande acollida que tivo no ano anterior.

Gondoverán é un campamento de lecer e tempo libre para fillos e fillas de familias traballadoras que terá lugar durante todo o mes de xullo, en horario de 8.00 a 15.00 horas, no CEIP Chano Piñeiro.

O seu obxectivo é o de favorecer a conciliación da vida familiar e laboral durante a tempada estival, ao tempo que se potencia o desenvolvemento integral do neno/a a través dunha programación que combina o xogo con actividades creativas, culturais e coñecemento do entorno próximo, dende unha pedagogía do lecer baseada na educación en igualdade e hábitos saudables.

Contarase con 70 prazas para rapaces e rapazas que teñan o seu empadramento no Concello de Gondomar nados entre os anos 2001 (non poderán facer 13 anos antes da finalización do campamento) e 2011 (deberán ter feitos 3 anos ao inicio do campamento) e cuxos proxenitores sexan persoas traballadoras en activo (por conta allea ou propia). En caso de quedar prazas libres serán admitidos doutros concellos, con preferencia de aqueles cuxos proxenitores sexan traballadores no municipio de Gondomar. O prezo será de 60€ por neno/a. A inscrición realizarase desde mañá día 13 ata o 26 de maio presentándoa no Rexistro Xeral do Concello de Gondomar, de luns a venres en horario de 9 a 13.30h. e sábados de 9 a 13.00h. Xunto a folla de inscrición (dispoñible na páxina web do Concello

#Gondomar : Ábrese o período de inscrición para a III edición do GondoVerán

Escrito por Redaccion @valminorinfo
Luns, 12 Maio 2014 21:47

–www.concellodegondomar.info-) deberá achegarse a seguinte documentación:

- Solicitude de praza.
- Fotocopia cotexada dos DNI dos pais ou titores/as legais.
- Fotocopia cotexada do libro de familia.
- Fotocopia da tarxeta sanitaria do menor ou menores ou seguro médico privado.
- Volante de empadramento da unidade familiar.

De ser o caso, xustificación da ocupación actualizada dos pais ou titores (fotocopia da última nómina, certificación de empresa, vida laboral ou calquera outra tipo de documentación que acredite dita situación, no caso de traballadores por conta allea; ou do último recibo do pagamento da cota á seguridade social no réxime especial de traballadores por conta propia, no caso de traballadores/as autónomos/as).

Para calquera dúbida os/as interesados/as poderanse dirixir ao Centro de Información á Muller, na Casa da Cultura, no teléfono 986 360 224 ou no seguinte correo electrónico:
aio@concellodegondomar.co